

三才廣志

廣志卷之一千一百六十七

几

要語

說文几踞几也象形徐曰人所凭坐也周禮曰  
几玉几彤几彤几髹几素几廣韻案屬通作机  
左傳說机而不倚

易渙卦奔其机注承物者

毛氏曰鈎挑者爲几案之几不鈎挑者爲几音  
殳鳥短羽也

詩云授几有緝御

曲禮曰大夫七十致仕則必賜之几杖又曰謀  
於長者必操几杖從之又曰侍坐於君子君子  
欠伸撰杖屨

書

命曰王乃泚頽水相被冕服憑玉几又

玉仍几文具仍几漆仍几

坐几曰臀榻前几曰櫪伊几曰凭几曰牀

文選刻漏銘注蔡邕銘論曰黃帝有巾机之法  
孔申有盤盂之戒

李尤几銘叙曰帝軒作輿几之法

孟子去齊有欲爲王留行者坐而言不應隱几  
而卧

六書故櫪呂夔切剔作施方言曰榻毒几趙魏  
之簡謂之施懶吁帝切

六書故几履切古人坐于地几坐所馮也象形

同

六書故脩皮冰切倚几也故通倫

文選注太宗陰謀机之書曰安不忘危存不忘亡

周禮司几筵掌五几五席之名物辨用与其位  
五几左右玉彫彤漆素五席莞藻次蒲熊用  
位所設之席及其處彤徒冬反莞音官又音  
九藻本又作縹音早疏註五几至其處釋曰  
云玉几左右王彫彤漆素者其玉彫已下數  
出於下文云左右者唯於王馮及鬼神所依  
皆左右玉几下云左右玉几祀先王酢席亦  
如之但受酢席未必有几故不云几筵其彫  
已下非王所馮生人則几在左鬼神則几在  
右是以下文諸侯祭祀云右彫几國賓云左

彤几諸侯自受酢亦無几故不言几也漆素並云俱右是為神也云五席莞繅次蒲熊者亦數出下文仍有葦萑席不入數者以喪中非常故不數直取五席与五几相對而言耳云用位所設之席者即下几大朝覲已下是也云及其處者王受朝覲席在廟牖間大射席在虞庠祀先王在廟奧及堂酢席王在廟室西面自諸已侯下亦皆在廟帷熊席漆几設在野所征之地耳經云名物鄭不解之者義在可知故略之也

几大朝覲大享射几封國命諸侯王位設黼依依前南鄉設莞繅紛純加繅席畫純加次席黼

純左右王几

弁謂之黼其繡白黑采以絳帛為質依其制如屏風然於依前為王設席左右有几優至尊也鄭司農云紛讀為幽又讀為和粉之粉謂白繡也純讀為均服之均純緣也縹讀為藻率之藻次席虎皮為席書顧命曰成王將崩命大保芮伯畢公等被冕服憑玉几玄謂紛如綬有文而狹者縹席削蒲蒻展之編以采若今合歡矣畫謂雲氣也次席挑枝席有次列成文

祀先王昨席亦如之

鄭司農云昨席於主階設席王所坐也玄謂昨讀曰酢謂祭祀及王受酢之席尸卒食王酌之卒爵祝受之又酌授尸尸酢王於是席

王於戶內后諸臣致爵乃設席

諸侯祭祀席蒲筵續純加莞席紛純右彫几

續畫文也不莞席加繅者繅柔需不如莞儻

堅又於鬼神宜續胡內反需本或作懦又作

掃同如衮反

昨席莞筵紛純加繅席畫純筵國賓于牖前亦

如之左彫几

昨讀亦曰酢鄭司農云禮記國賓老臣也為

布筵席於牖前玄謂云謂諸侯來朝孤卿大

夫來聘後言几者使不蒙如也朝者彫几聘

者彫几

甸役則設熊席右漆几

謂王甸有司祭表貉所設席甸音田註同

凡喪事設葦席右素几其柏席用萑蒲純諸侯則紛純每敦一几

喪事謂几奠也萑如葦而細者鄭司農云柏席迫地之席葦居其上或曰柏席戴黍稷之席玄謂柏樽字磨滅之余樽席歲中神坐之席也敦讀曰燾燾覆也棺在殯則樽燾既定則加几皆謂履之周禮雖合葬及同時在殯皆異几體實不同祭於廟同几精氣合柏鄭音樽刘依司農音迫萑音丸敦音道刘音疇歲才浪反燾音導

几言事变几凶事仍几

故畫仍為乃鄭司農云变几變更其質謂有飾也乃讀為仍仍因也因其質謂飾無也尔



雅曰儀仍因也書顧命曰翌日乙丑成王崩  
癸酉南鄉西序東嚮東序西嚮皆仍几

玄謂吉事王祭宗廟裸於室饋食於堂繹於  
祊每事易几神事文示新之也凶事謂几奠  
几朝夕相因喪禮略翌音翼列音育初衛精

禮書馬融曰几長三尺阮謏曰几長五尺高三  
尺舊圖几兩端赤中央黑蓋各述其所傳然也  
覲禮天子設斧袞左右玉几司几筵大朝覲大  
饗射封國命設侯王位設黼依左右玉几几所  
憑以安者也王於朝覲會同立而不坐非有所  
憑也然必設几者鄭氏釋太宰謂立而設几優  
至尊也荀卿曰周公負袞而坐諸侯趨走堂下  
得非所傳聞者異歟儀禮昏聘公食大夫皆有

几冠禮醴賓鄉飲酒鄉射及燕賓無几皆輕重之別也喪或同時在殯則每敦異几鄭氏曰敦讀日素素

也及祭則同几生事鬼事之別也几不持施於行禮而已燕居亦有焉士喪禮也謂燕几是也不特施於燕居而已田役軍旅亦有焉周禮甸役右漆几春秋之時智伯在軍役之以几是也不特所憑以安而已死者用之拘足尸与嫁者或用以乘車士喪禮綴足燕几曲禮尸必式未必以几婚乘以几是也

几几案屬長五尺高二尺廣一尺兩端赤中央黑几所以依凭之具然非尊者不之設所以示優寵也人几在左神几在右又不可以不辨也賜几大夫七十致任則必則之几杖曲禮謀

於長者必操几杖從之 大戴禮武王銘几  
周禮司几筵掌五几 土乃洮潁水相被冕服  
憑玉几 顧命華玉仍几雕玉仍几文具仍几  
漆仍几 國語左史倚相曰昔衛武公箴儆於  
國曰倚几有誦訓之誠

漢綈几

西京雜記漢制天子玉几冬月則加綈錦其  
上謂之綈几 晉張華有倚几銘

事實

几投

晉伐偃陽城荀偃士匄請班師智伯怒几之  
以投出於其間

隱几

郭愧謂燕昭王隱几據欬躬視使則厮相役之人至

奮髯抵

朱博遷琅琊太守齊郡舒緩養名博奮髯抵凡日觀齊兒飲以此為俗邪乃召見諸曹史書佐及縣太史選其可用者

省中置

平帝詔太師孔光每十日賜餐賜靈壽杖令太師省中置几

封以王函

內傳漢武帝受太甲靈符十二於西王母盛以黃金几封以白玉壺以珊瑚為牀

憑之安坐

孔融為北海太守為索譚所攻泥矢雨集矛戟內接然融憑几安然而坐讀書論義自若也

見之因書

王羲之詣門生家見裴几滑淨因書之真草相半父誤刮去驚懊累日

賜甄權几

甄權許州扶溝人正觀中權已百歲太宗幸其舍賜几杖衣服出六帖

號為肉几

黃融兒矮陋機惠玄宗嘗憑之行周外間事動有錫資號為肉几出酉陽雜俎

憑几而坐

南子郭泰隱几而坐仰天而嘘嗒焉似喪其一  
偶顏成游立侍乎前曰何居乎形固子可使  
如槁木心固可使如死灰乎今之隱几者非  
昔之隱几也

莊子

曲几

柳宗元有軒曲几文

鳥皮几

謝朓有鳥皮隱几

素憑几

魏太祖平柳城以素憑几賜毛玠

七宝几

唐明皇作七宝几

素

說文案几屬从木安聲徐曰案所凭也周禮掌  
次張槐案注以氈為牀於幄下史記高祖過趙  
趙王目持案進食三國志曹公作歌案卧視書  
一曰木名集韻或作案

文編云案之別名曰檮音案之高者曰臺几案  
之高者曰卓圓案曰檯似宜切竹席曰筵筵曰篋

王音

唐起居舍人隨宰相入殿次香案分立

天官志孤卿有事則設幕張案

今府縣所設於公座前皆曰公案

周氈案 皇卽

天官掌次王大旅上帝則張氈案設皇卽注  
以氈為床於幄中鄭司農云皇羽屨上卽後

版也元謂後版屏風与染羽象鳳皇羽色以  
為䟽大旅謂冬至祭天圓丘氈素皇卽謂王  
坐所置也并有太次小次之極後版者為大方版於  
坐後為芥文言屏風者據漢法况之畫禹貢  
羽畎夏翟謂貢夏翟之羽後世無周禮鍾氏  
染鳥羽象鳳皇色以為之覆於版上明堂位  
司几筵皆云黼衣此不在寢廟無衣故胡名  
皇卽

### 經案

臞仙曰几閱室笈瑤書謂洞章者不必用卓  
案於前用之太俗予製一案長八五而徑一  
尺高一尺二寸一足如鶴立之狀只容一經  
置於膝間不用香爐有懸鶴啣香於上此乃



仙家之具又是一般製度

### 書案

臞仙曰古未有此製予以柏木為之上以墨繪以山水或翎毛折枝或詩詞箴銘滿面其兩傍則有對日子以誦琅函寶笈之書予以宴珠履瓊瑤之客下作抽替二以金漆漆之光瑩澄徹駭人心目誠仙家之物也凡金漆上以墨以金圖繪者自予始也

### 琴案

臞 曰鼓琴坐不宜高古人席地而坐於膝上鼓之今置琴案高八六廣尺二長二尺五琴出至鳳沼半虛其下案面厚四寸中虛下留一竅用梓木為之予以豐城劍溪土燒

爲瓦素其音清響尤異

### 琴素

洞天清錄琴素須作維摩樣底素脚不礙人  
膝連面高二尺八寸可入膝於素下而身向  
前宜石面爲第一次用堅木厚爲面再三加  
灰漆亦令厚次脚令壯更平不假坂則拈与  
石素無異永州石素面固佳然太薄板須厚  
一寸半許乃佳若用木面須二寸以若上得  
大棗木不用膠合而以漆合之尤妙又見今  
人作琴卓僅可容一琴須濶四容四琴長過  
琴三之一試以素較琴声便可見琴素上切  
不可置香炉雜物於前吳自強雲山集云於  
素面作小水槽不必甬也

卓製

即古之案未考其名之始今皆呼案為卓而忘其案之名蓋以卓名易案名也

黑光

凶明

線邊

楊妃脚

官卓

畫卓

書卓

馬頭卓

酒卓

副卓

螺鈿

銅邊卓

永石

摺疊

香卓

大理石

供卓

案卓

圓卓

瑪瑙竹節

八仙

八角

条卓

春臺本卓製而大可坐二十餘人或十余人

匱臺上面為案中為匱以藏物

条臺其製長

起臺板厚而脚粗為庖人所用之器

事實

等案

燕丹太子常與荆軻等案而食

持案

史記漢高祖過趙趙王張敖持案進食禮甚  
恭高祖箕踞罵之

對案不食

本傳萬石君石奮子孫有過不諫讓為之對

案不食

屏案不食

尹敏字班虎相厚善語常屏案不食

恕吏抵案

朱博子元為琅琊太守恕吏抵案

百寶為

同昌公主琢百寶為圖案出杜楊編

紙筆置案

郭翰巡察隴右狄仁傑為刺史民爭言有異  
政翰就館以紙筆置于案謂僚屬曰願薦使  
君美于朝

據所未安

高士廉為皇太子監國又攝太傅太子令曰  
真人資公訓導而比聽政據案對公情所未  
安所司宜別設案奉太傅士廉固辭

指香案爐

帝嘗謂百司不可使一日弛惰鄭覃因指香  
案爐曰此始華好用人則悔

仆香案前

帝處厚太和二年方奏事暴疾仆香案前帝令中人翼扶之輿還第

奉案齊眉

梁鴻適吳依大家臯伯通廡下為人賃舂妻為具食不敢於鴻前仰視奉案齊眉伯通異之日彼傭賃能使其妻敬之如此非几人也拔刀斫案

曹公平荊州仍欲伐吳張昭等皆歡迎曹公唯周瑜魯肅諫拒之孫權拔刀斫前案奏曰諸將復有言迎北軍者与此案同據之何安

劉玄佐貴母尚在賢婦人也見縣令走庭中

白事退戒曰長吏恐懼卑甚吾思而父吏於  
縣亦當爾而據案當之何安乎玄佐感悟待  
下益加禮

杜牧詩君門曉日開案楮

橫霞布則知唐用楮案

榻

事實

設一榻

陳蕃為豫章太守不接賓唯徐孺子來持設  
一榻去則懸之

擅一榻

簡雍性簡傲自諸葛亮以下則擅一榻須枕

卧語無所為屈

坐一榻

管寧字幼安自坐一未榻積五十余年當膝  
處皆穿出高士傳

引僧同

顏延之為祕書監光祿太常時沙門釋惠林  
以寸李為文帝所賞朝廷政事多与之謀生  
每引見常升獨榻延之甚嫉焉因醉曰某子  
同驂乘素絲正色此三名座之豈可使刑餘  
居止上变色

教吏撒

李峴同平章事故政事堂不接客自元載為  
相中人傳詔旨者置榻待之峴至即刺吏撒  
榻



同榻坐

李勉父擇言張嘉正為益州都督性簡貴接  
部刺史倨甚擇言守漢州獨引同榻坐

連榻坐

王毛仲與諸王及姜皎等傳禁中至連榻而

坐

施持榻崔渙起家亳州司功參軍還謂於是入  
判者千余吏部侍侍嚴挺之施持榻

刺史榻

後魏薛聰為齊州刺史卒吏人追思畱所坐  
榻以為遺愛

長史榻

梁孔休源為晉安王長史王於中齋則設一

榻

連榻

晉羊琇為設軍杜預拜鎮南將軍朝士畢賀  
皆連榻坐琇不坐而坐

御榻

北齊趙彥深位司褚遇每引見或升御榻

卧雲榻

一名懶床

臞仙日子作此床觀象卧雲之物也雖載於  
神隱有妙處祕處不傳高人一長六尺五面  
用藤竹編之勿用板輕則童子易擡上置椅  
圈靠背如鏡架後有撐活絡轉動高低從宜  
如醉卧偃仰背可前置伏手之軌板上安經  
書亦可鼓琴亦可燒香衛是一國道味有無

限佳趣後之作者自臞仙始之但妙處而無傳焉見神隱書

椅

臞仙曰凡默坐凝神先須要坐具穩當使身得自在寬舒乃歇氣運用不致勞若椅要寬大可盤足後作靠腦如荷狀前作伏手伏手上作托額亦如小蓮葉如坐久神思倦怠向前則以兩手伏於伏手上以額置於此額之內向後則以頭作卧靠於托腦之內使筋骨舒暢血氣流行大宜調和血氣為本

交椅本胡床製而設靠背乃夷狄所製李士椅如今交椅而不使繩坐設木榻為之東坡椅類交椅有靠背無轉圈又名一字椅

士女椅類李士椅而小

官椅即公座也後有靠屏

歌床即今之方椅背左右皆有檔可倚方二  
尺足高一尺八寸檔高一尺五寸

墩

臞仙曰藤墩者往往圖畫上見之近世皆無卜  
云是秦漢前之物古人以木藤或草為墩坐  
之予乃倣其圖畫之樣想像而製之以藤或  
三或二作四圍連環相縛上以木圈以藤編  
作面下以木圈為拖泥內用四柱以代藤圈  
之力陳設於竹床草亭之下誠可陪洞天  
之霞客方外之逸侶其白丁村夫不可供焉名  
曰仙墩此物久絕於世矣吾人創製而始之

矣

蒲墩

宋參知政事以下宴會坐蒲墩上履以罽毼

錦墩

其製或以木或以上履以錦唐宮中皆用

有寵者賜坐

床

要語

床寢具所以自裝載長八尺胡床即今之交床  
又名繩床蓋胡人偃坐而睡故名焉

揚雄方言齊魯之間謂之簀陳楚江淮之間謂  
之第說文牀身之安也簀牀輶也服虔通

俗文牀三尺五曰榻板独坐曰枰八尺曰牀

詩或息偃在床 剥床及膚 曹植蕙情号

荃牀 易巽在床下 孟子曰象往入舜宮舜

在床琴黃帝內傳有七室登真之牀則牀疑始

於有熊氏也 事物紀原晉書王羲之傳曰羲

之与王承王悅為王氏二少郗鑒使門生求女

婿于王導導令就東廂獨觀子弟門生婦謂鑒

曰王是諸少並佳然聞信至咸自矜特惟一人

坦腹食独若不聞鑒曰此正佳婿也訪之乃羲

之也遂以女妻之由是呼女婿為東床

簀阻危切縹竹呂藉也凡牀先用簀乃加薦席

又仝荃說文曰迫也在瓦下禁上按椽上必謂

荃然後安瓦今人謂之棧厭酒者亦用荃又讀

側嫁切与橙通本仝洎見水部

蒲阻史切簑也簑箭控同声

床製

靠床 藤床 軟床 涼床 煖床 帳柱

摺疊床 雕花床 屏風床 醉翁床

炕床生火於下北土所用以為寢室

有南宮衡山有仙人石室白玉床

水晶琉璃床

以金龜同昌公主嫁裝也

節目翁

竹床名陸龜家所製

龍床

韓至和獻憲宗一龙床坐則鱗鬚爪角俱動

象床

梁容性侈靡以象齒檀沉造床圓匝用銀  
鏤成金花宝鈿金蓮花又琥珀龜負床脚

### 燕居床

臞仙曰修養之士其床必異於俗乎製燕居  
床高二尺寬三尺長六尺六寸四面皆空如  
簾櫳之狀用沉香色以金鏤其邊屏風不在  
床上另立一大屏於後書警語於上或繪以  
天人冲拳故事其清製俗

### 葦床

臞仙曰因製鼓墩坐之繡皮如鼓遂製皮鼓  
用金漆漆之如夏間乘涼偃仰於上極涼又  
柔軟可愛如有汗以凉水澆洗無有汗氣如  
林下松陰竹影之間尋風避暑令侍兒擣行



又輕快不累人誠為乘涼之佳製也

### 珊瑚床

漢武帝 西王母以黃金几珊瑚床

### 瓊臺玉几

臞仙曰几燕居之床皆用置几案於上左列瓊臺於上臺用摺疊三層下用抽替高一尺一寸六分長一尺四寸八分寬一尺以陳漆之置爐瓶於上插花焚香以助道氣右列玉几於上高一尺二寸長二尺四寸寬一尺五寸四脚如案狀陳冊經史冊於上以陪道興此洞天中天人受用之物也

### 事實

曾子寢疾病童子日華而脫大夫之簣与曾子曰然斯季孫之賜也我未之能易元起易簣反席未安而歿出禮記

獻象牀

孟嘗君聘於楚楚王遺獻之象牀出戰國策  
踞牀洗

本傳漢高祖酈食其求見方踞牀使兩女子洗

坐牀穿

管寧家貧坐藜床欲穿為李不倦

拂牀去

唐虞愿除後軍將軍褚彥回詣愿不在見其眠床上積塵埃有書數卷彥回歎曰虞君之

清乃至令人埽地拂牀而去

卧六尺牀

宋賀革家貧躬耕供養年二十始輟來就父  
受業有六尺方牀思義未達則橫卧其上不  
盡其義終不肯食

終當坐此

李靖左僕射楊素拊其床謂曰卿終當坐此  
終當據此

內史令楊素每撫封其床曰封郎終當據此

杜甫醉登

杜甫嘗醉登嚴武林燈視曰嚴挺之乃有此  
兒武亦暴猛中街之

浩然懼匿

王維私邀孟浩然入內署俄而玄宗至浩然匿  
牀下維以實對玄宗朕聞其人而未見也何  
懼而匿詔浩然出

堂有巨牀

李吉甫初政事堂會食有巨牀相傳徒者率  
相輒罷不敢遷吉甫笑曰世俗禁忌何足疑  
邪撤而新

軍不設牀

馮道軍中不設牀席卧一束芻而已出五代  
史

移床壁崩

齊徐孝嗣初在率府畫卧齊北壁下夢兩童  
子遷云移公床孝嗣驚起聞壁有聲行數步

壁崩

胡床

要詔

事物紀原搜神紀曰胡床戎翟之器也風俗通  
曰漢靈帝妃胡服景師作胡床此蓋其始也今  
交椅是

胡床

據胡牀髑頭

謝萬嘗詣王恬既坐少時五便入內謝殊有  
喜色謂必厚供良久沐頭散髮而坐亦復  
不坐乃據胡牀在中庭髑頭神氣慨了然魚  
相酬對

據胡牀談詠

庾亮在武昌諸佐吏乘秋夜任登共南樓不  
亮亮至亮曰老子於此具復不淺便據床与  
浩等談詠

踏胡床奏笛

亘伊善音樂畜一蔡邕柯亭笛嘗自吹之王  
徽之泊舟清溪側不相識伊於岸上過客称  
伊小字曰比亘野王也徽之便令人謂曰誠  
為我奏伊時價顯素聞徽之名便下車踏胡  
床奏笛而作三調弄畢便上車客主不交一  
言

留胡床掛挂

魏裴潜為兗州刺史嘗作一胡床及去官留  
以掛挂

據胡牀坐生

吐谷渾党項寇邊敕紹討之虜據高討詔軍  
雨矢士失色紹據胡牀安坐遣入彈琵琶使  
二女子舞虜疑之林射紹伺其解以精騎從  
後掩擊虜大潰出本傳

改名為交床

隋以識有胡床改名為交床

改名為繩床

唐穆宗長慶二年見羣臣紫宸殿御大繩床

南床

侍御史最為碓劇會聚則於南設橫榻號南  
牀又曰癡牀言登此牀則倨傲如癡

醉床

長七尺廣三尺高一尺八寸自半以上則為子面 大床中間子面廣一尺寸五長三尺以木製常綜之帶下盧三寸床底以板弥之勿令通風可卧可坐以便

觀雪菴

長九尺闊八尺高六尺以輕木為格紙糊之三面若枕屏風上以一格覆之面前施火煖中間可容小座床石枋設下乃飯具隨處移行

檯架

曹公偁歌案卧視書今其本製即今醉翁床連床

似胡床而長可連坐數人



# 琴室

臞仙曰予嘗置琴室用石砌為空谷雖響多生濕氣不可久坐乃置琴室於池上名曰神谷廣一丈約深二丈許前有露臺隔作前後二間內間為琴室周圍皆用粉飾令不通風氣外間左右皆用開窓俱用懶癢以延客話之意也池中皆種白蓮養金魚於內四圍皆種松竹梅蘭於岸砌之傍竹間馴鶴二枚鹿二隻松下置酒爐茶竈藥具之類以助清興有用庵為琴室者不能客容莫若為室

# 園室

臞仙曰園室之製在各人所製之不同耳予之所製取法於天地範圍之理上圓下方徑

一丈有二隔作二間開日月圓竅於東西以通日月之光內間於孔上開窓撐放以取天門之靈氣艮上實砌不開窓竅以塞鬼路內有陳設製度祕而不錄此予之製焉

紫霞丹室一名太乙丹房

臞仙曰上古之世民生於天地間者只知有天道皆奉天以祀上帝故有黃帝老子之李是謂天生烝民本於天故祀天焉能知天道者謂之仙仙之所李有服食者謂之丹有修養者謂之道人能得之壽同天地此所謂長生久視之道也故效之以置丹室置丹臺列丹扉取像乎造化而有出世之想中有妙理不可筆述其丹室也有碑記在焉其文曰

乙酉夏五月予与斗南樗叟二老同遊于  
雪舫入白雲深處有室曰紫霞丹室是日  
也微雨初霽薰風南來鳴禽下上於陰翳  
人迹遠深於市朝石逕斜通草堂幽僻鳴  
泉涓涓不知其所止中有丹鼎玉而氣上  
升延旭日於東窓散紫霞於林表時漪澄  
陂蘭芬迤爽於斯時也敞西軒來青山於  
座右焚香誦書徜徉其間如斯佳况雖有  
筆舌豈能盡述哉於是轉石逕過小橋稚  
子携琴而隨家童問酒而至予乃大悅撫  
掌長咲謂老人曰今日之遊与蘭亭之會  
為何如耶老人曰昔人之會昔人之樂也  
今日之遊乃今日之樂也談間竹陰將午

遂移席於林下酒爐茶竈置之於前琴硯  
之具置之於右或臨流而賦詩或命觴而  
酣歌鼓琴而詠之一問一答自可以為得  
趣矣其趣也翩翩乎若鴻毛之疾層漢洋  
洋乎如修鱗之在深淵有光風霽月之思  
流水高山之想知天地間復有何不樂也  
於是左執鯨杯右植鳩杖睇倦鳥之投林  
覽白雲之還岫於斯之樂雖方士之不可  
共遊騷人墨客之不可同得今日吾与尔  
共之矣老人稽首而謝把酒更酌酒酣踉  
蹌而退

神隱

臞仙曰凡士之居家必有燕居之室出乎人

之性情好惡不同耳其室也皆用縞素床榻  
卓凳悉以柏木為之蓐簾木床瓦爐竹瓶以  
為器用琴劍史籍筆硯之具各有陳設或懸  
於壁間或置於座右外列藥爐茶竈酒瓢雨  
笠挂於樹間有菊翁芝童以供肴饌茶酒之  
屬馴一鶴以報風露降則鳴風清則露舞此  
所謂風月之伴侶也但不干塵務乃於洞  
懸一柝不令人入此所謂養修避地避言者  
也其間有天人受用之樂莫可筆畫有碑記  
立石於洞門其文曰

世有抱老氏之李控其銳解其紛於廣漠  
之虛空碧之野者幾人焉圓穹之高方輿  
之廣丘壑之深邃林泉之幽僻可以栖身

遺跡者又不知有幾焉人之處世也憂樂之所不侔適情之有同異故予之所以異於人者樂人之所不樂而獨樂其所樂也自謂天地之有盈虛萬物之有隆替能知此者可以語道川流之長江漢之大泛溢之日幾何無波之日固少草木之有榮悴也芬葩之枝其日苦短繁實之木其枝必折物之美者不熊自全爵其大者衆怨必至山峭者崩澤滿者溢故君子不欲尚也人生百年得意日少失意日多蓋以物理推之物成者廢之始也事成者敗之終也得之者失之由也日中則移月滿則虧天地尚不能遺萬物之情況於人手是以知

道之士以身為過客以天地為逆旅以之  
高騫遐奉以之割絕世累將以脫身塵網  
次天地而侶造化與風月而為酬酢出陰  
陽陶冶之表獨立而無覩者誰歟予生於  
疆宇宴安之日值幽閑娛老之年緬思曩  
昔經涉之務勃然懲愴是以心已灰志  
日愈綏矣於是屏絕塵境游泳道季身雖  
陽於華衮心已外於絃絃但日常飛神玄  
漠出入天表縱神轡策置飈乘白雲謁虛  
皇穩岸天巾振衣霄漢長嘯則海天失色  
誓歎則萬籟風生俯視寰壤渺焉一點青  
煙半泓秋水是時天地在吾腹宇宙在吾  
身造化在吾手與不同者久而能錯綜

乎人我之場吐蜚手大千之域放乎其無  
涯歛乎其無跡芒乎芴乎而于世相遺人  
莫我可知謂神隱矣於是入松關由竹逕  
渡鶴渚至白雲更深之處登於壺天過醉  
鄉之深處延石橋而造乎紫霞丹室憇于  
神谷其谷之東有竇焉曰洞天深處內有  
地一丈有八構三椽之茅鑿方丈之池植  
松引沆栽蘭疊石取象乎江漢雲山之趣  
藥爐茶竈一琴一鶴誦經煮茗以為養脩  
治生者焉是謂置函關於天壤遠人事於  
大壘迤世以無悶也噫人之用世也皆以  
富貴為心吾之處世也獨以恬澹為樂故  
無衮冕之志而有衮褐之心淮南子曰古



之人有居岩穴而不遺不有者勢千乘而  
日蹙蹙者謂聖亡乎治而在乎道樂亡乎  
貴而在乎德知大已而小天下者則幾於  
道吾於此得之矣扁其室曰神隱

我菴

臞仙曰其庵之製在人為之子之所製則又  
不同焉或於双松之在或於竹陰之中不宜  
近家而無塵俗之煩其庵徑九尺高九尺虛  
脚离地九寸下空取其通風無濕氣而不歲  
蛇虫也用荆條編不用竹取其不蛀也如倉  
囤樣上以茆苫之其門又出一簷約二人許  
活絡撐放取其瞻望有所不碍目又可避雨  
雪以遮滂雨內設蒲蓐於下靠墩於後香卓

經凡於左右琴劍阮瓢笠衣巾筠簡憑鼓皆  
挂於內庵外外約七尺製一地爐或根竹根  
下烹茶煮藥以代不時之飲用一石板閣飲  
具於上令童子二人坐候以供其用此製甚  
簡而清其庵曰我我菴乃我之所有也以取  
其名焉

廣志卷之一千一百七十三

曆代車名

要語

漢象路

象車

皮軒

道車

游車

建華車

九游車

司馬相如傳上林賦天子校獵乘鑊象六王  
蚪拖蜺旌靡馬旗前皮軒後道游孫叔奉轡  
衛公參乘苞從橫行出乎四較之中注張揖  
曰鑊象象路也以象牙䟽鑊其車輅駕六馬  
以玉飾其鑊勒文穎曰皮軒以虎皮飾車天  
子出道車五乘游車九乘在乘輿車前師古  
曰道游次皮軒之後皮軒之上以赤皮為重  
蓋今此制尚存非猛獸之皮飾車也一西京

雜記漢鹵簿有象車鼓吹十三人中道武剛  
車九游車雲罕車皮軒車闌戟車鳶旗車建  
華車並駕四中道一晉輿服志象車漢鹵簿  
最在前後魏有象輦駕漢輿服志九游注徐  
廣曰旂車有九乘前史不記形武王克紂百  
夫荷罕旗以先驅東京賦曰雲罕九游薛綜  
曰旌旗別名上林賦皮軒注胡廣曰以虎皮  
為軒郭璞曰華車或曰即宋志即曲禮前有士  
師則載虎皮淮南子軍正執豹皮以刺王其  
衆未與豹尾亦義類乎通典皮軒車晉

宋駕四馬皆大夫載唐大駕鹵簿次辟惡車  
後漢制九旂車九乘大駕為先乘晉宋因之  
校獵賦撞鴻鍾達九旒六白虎馵蚩尤並毅

蒙公先驅——淮南子高帝建九旂乘大路——  
王元長文九旂齊軌注天子之車九乘名曰  
九旂車——開寶通禮義車古有先驅清游車  
九乘前史不記刑飾唐禮遂無其制以清游  
隊白澤旗為前驅

漢瑞應車

象載

象輿

郊祀歌象載瑜曰集西注師古曰山出象輿  
瑞應車也瑞車瑜然色白而出西方——赤蛟  
章灵摠摠象輿轡——相如上林賦象輿婉倕  
於西清注師古曰象輿瑞應車也西清西箱  
清靜之處大人賦駕應尤象輿之蠖略委麗  
顏延年馬賦代駟象輿注引韓子黃帝象車  
之

漢雲罕車

相如上林賦載雲罕拚羣雅注張揖曰罕畢也前有九旒雲罕之車張衡東京賦雲罕九旒注薛綜曰雲罕旌旗別名九旒亦旗名也楊雄校獵賦罕車飛揚武騎聿皇師古曰續志法罕之車徽車輕武師古曰建徽

駕前驅有九旒雲罕注武王罕旗先驅西

京雜記雲罕車駕四中道前天文志罕曰

罕車為邊兵主弋獵

昂土星為旒頭罕間為天子出旒頭罕

罕以宋志薛綜東京賦注以雲罕九旒為

旌旗別名亦不辨其刑案魏命晉王逮天子

旌旗置旒頭雲罕是知雲罕非旌旗也徐廣

車服注以為九旒游車九乘雲罕疑是畢罕

畢罕本施游獵遂為行飾唐書田悅先叙  
五路九旗次言瓊鉞雲罕宜是今畢綱

### 漢豹尾車

見上 古今注 周制也象君子豹變以

尾言者謙也古者軍正建之 淮南子軍正

執豹皮以正其衆 晉志自豹尾車後而鹵

薄盡 唐志豹尾車在廣鉞車駕二馬右武

衛隊正一人在車執之 西京雜記漢朝輿

駕祠井泉汾陰司馬車辟惡車記道車靖室

車並駕四中道 晉郭僕南郊賦云整豹尾

於後屬 節綜曰侍御史載之建今唯乘輿得

### 漢安車蒲輪

武紀建元元年七月議立明堂遣使者安車

蒲輪東帛加壁徵魯申公傳云安車以蒲裹

輪駕駟牧乘傳武帝以安車蒲輪徵乘一郊

祀志秦諸儒曰古者封禪為蒲車以蒲裹輪

明紀永平二年十月行養老禮詔曰安車輶

輪供綏執授注以蒲裹輪徐穉傳欲蒲輪

聘穉桓帝以安車一楊厚傳贊仲威術深蒲

車屢尋淮帛蒲車之所名賁相望於歲中

宋志梁惠王以安車駕三送淳于髡大夫之

儀又記云送以安車駕驛張良傳太子安車迎四皓

嚴光傳光武以安車玄纁聘之杜延年傳

注安車坐乘之車唐王起蒲輪賦丘園共

賁巖穴皆虛載暗載牽既攻既堅經營少澤

簡縣雲煙纖而為席臧孫不仁緝以成宮令



尹非禮旁搜叢桂遠擬幽蘭

遷注傳鴨晉諸公贊曰傳祗版輿上殿一名  
步與周遷輿服雜事記曰步輿方四尺素木  
為之以皮為襜捫之自天子至庶人通得乘  
之

漢安車駟馬

杜延年趙充國于定國薛廣德彭宣史丹史

高劉常廣陵王香傳皆云賜安車駟馬杜延

年傳注安車生乘之車也後漢與服志云公

州侯安車云云元鳳五年正月廣陵王未

朝賜安車一乘馬二輛廣德懸安車傳子

孫之義以伯小臣匈奴傳并露三年賜呼

韓邴安車一乘莽賜單于安車鼓車各一

阜陵王傳章和元年詔賜安車一乘樊準

傳言趙孝承宮安車結駟告歸鄉里晉志  
太康四年制依漢故事給九卿朝車駕四及  
安車各一乘曲禮大夫七下適四方乘安  
車一晉王祥陳騫賜安車駟馬

### 漢駟馬車

列傳朱買臣拜會稽太守長安廐吏乘駟馬  
車來迎遂乘傳去于定國父于公曰少高  
大閭令容駟馬高蓋車常玄成以列侯侍  
祀不乘駟馬車騎至庙下有司劾奏

服志公卿中二千石郊庙明堂祠陵法出皆  
大車立乘駕駟他出乘安車續志注服虔  
曰大路總名也如今駕駟高車

帝紀高帝五年田橫乘傳詣雒陽注如淳曰  
律四馬高足為置傳四馬中足為馳傳四馬  
下足為乘傳二馬一馬為輅傳急者馳一乘  
傳師古曰古者以車謂之傳車其後又單置  
馬謂之驛騎文帝從代令張武等六人乘  
六乘傳詣長安平帝元始三年春詔親迎  
立輅併馬注立乘小車併馬驛駕也五年正月召天下通  
知逸經古記者在所為駕二封輅傳注如淳  
曰律諸當乘傳及發駕置傳者皆持尺五寸  
木傳信封以御史大夫印章其傳乘參封之  
有期會累封兩端端各兩封凡四封也乘置  
馳傳五封之兩端各二中央一也輅傳兩馬  
再封之一馬一封也師古曰以一馬駕輅車

而乘傳食貨志武帝筭輅車注輅小車也  
郊祀志危力士傳車求神仙列傳吳王  
濞攻朶壁袁盎歸報條侯乘六乘傳會兵滎陽  
申公魯人武帝使使安車以蒲裹輪駕  
駟迎申公弟子二人乘輅傳從儒林司馬相  
如建節往使西南夷馳四乘之傳朱買臣  
長安廐吏乘駟馬車來迎遂乘傳去昌邑  
王乘七乘傳詣長安邸龔遂乘傳至渤海  
界單車獨行至府循吏楊僕請乘傳行塞  
因用歸家酷吏鮑宣遷豫州牧行部乘傳  
去法駕駕一馬龔勝曰徵賢者宜駕上曰  
大夫乘私車未邪京房行魏郡請乘傳奏  
事梅福求假輅傳詣行在所條對急政注

小車之傳也。後傳賈琮為冀州刺史舊典  
傳車驂駕垂赤帷裳迎於州界及琮之部乃  
命御者褰之。武記注漢舊儀云刺史常以  
秋分行部御史為駕四封乘傳。後輿服志  
注舊典傳車驂駕。云唯郭賀勅去檐帷。  
百官志注刺史傳車周流匪有定鎮。風俗  
通令刺史行部車号傳車。魏志漢刺史称  
傳車其吏言從事居無常治吏不成臣。晉  
志輅車古之時軍車也。一馬曰輅車二馬曰  
輅傳漢世貴輅輅而賤輅車魏晉重輅車而  
賤輅輅三品將軍以上尚書令輅車黑耳有  
後戶僕射但有後戶無耳並皂輪尚書及四  
品將軍無後戶漆穀輪。宋志傳暢故事尚

書令輅車黑耳後戶僕射但後戶無耳中書  
監令如僕射一漢舊儀奉坐書使者乘馳傳  
其驛駒也三騎行日夜千里為程一隋志輅  
車按六輅一名遙車蓋言遙遠四顧之車也  
漢武帝迎申公弟子二人一乘輅傳從此又  
是馳傳車也晉氏鹵簿御史輅車行中道晉  
公卿禮秩云尚書令輅黑耳後戶今輅車青  
通幃駕二馬王侯入李五品朝婚通給之  
左傳晉以傳召伯宗楚子乘駟鄭子產乘遽

漢乘輿路車一車府

百官表路軫令丞注伏儼曰主乘輿路車

太

元年初置五行志未央殿輅軾中注廐名  
輅危路同藝文志車郎張豐注如淳曰主

車一後百官注車府令主乘輿諸車一永平  
中車駕出陰就于禁衛車府令孫正鈞就  
車收其御者一丁孚漢儀皇后出車府令設  
函簿

漢軫獵車一小車

宣紀元平元年七月太僕以軫獵車奉迎曾  
孫庚申入未央宮注文穎曰軫獵小車前有  
曲輿不衣也李奇曰輿輿輕車也師古曰未  
備天子車駕且取其輕便耳又見戰車類  
百官表太僕有路軫令丞注伏儼曰主乘輿  
路車又主凡小車軫令之小馬車曲輿一  
後輿服志注季尤小車銘曰軫之嚙虛疏達  
開通一曲礼注安車坐乘若今小車也疏云

漢世駕一馬坐乘一車千秋傳年老朝見得  
乘小車一霍光傳昌邑王御小馬車注張晏  
曰皇太后所駕遊宮中輦車也漢廐有果下  
馬高三尺以駕輦一魏晉御小出常乘馬亦  
多乘輿車輿車今之小輿

### 漢鼓車

後志黃門鼓車一燕王旦傳建旌旗鼓車

韓延壽傳駕鼓車歌車注孟康曰如今郊駕  
時車上鼓吹也一光武紀以千里馬駕鼓車  
南匈奴傳光武詔賜鼓車一晉志鹵簿戟鼓  
車駕牛二乘分左右

### 漢相風車

崔豹古今注向風鳥夏禹所作也一西京雜



記相風鳥車駕四中道一漢西京鹵簿有相

風車一晉令曰車駕出入相風以前侍御史

令史

調禮無之何承天謂戰國祭風稷周遷與

服雜事曰相風周公所造即鳴鳶之象後改

為烏隋為車唐為輿

宣和鹵簿記

傳云相

風賦婉盤獸以為趾建修竿之亭亭栖神鳥

於竿首俟祥風之來征一張華賦爰在保章

世序其職辨風候方必立準極眇脩幹之迢

迢凌高壙而莖植玄鳥偏其增翳睇雲霄而

矯翼步元氣於尋木寄先識於茲禽既在高

而思危又戒險而自箴一潘岳賦栖灵鳥於

帝庭似月離乎紫宮飛輕羽於竿杪若鳶翔

乎雲中廣莫興而習坎景風發而逝離闐闐

榜而西指明度起而東移一陶侃賦華蓋擎  
乘奉引先驅豹飾在後歲時清路

漢指南車見後

漢輜車乘馬

桓榮傳建武二十八年拜張佚為太子太傅

以桓榮為少傅賜以輜車乘馬榮大會諸生

陳其車馬印綬曰今日所蒙稽古之力也可

不勉哉

字林曰輜車有木蔽無後轆有後轆者謂之輜有印田輜無印曰輜

贊曰五更待問應若鳴鍾庭列輜駕堂脩礼

容穆穆帝則擁經以從一張良傳強載輜車

注衣車也一周礼良車散車注若今輜車後

戶之屬疏曰漢時輜車危古者從軍所載輜

重財貨之車皆車後開戶一宋志傳元子曰

周曰輜車輜車即輦也 列女傳齊孟姬曰  
妃后踰闕必乘安車輜輶今立車無輶非所  
敢受命也使者更取安車

漢王輅 彫玉輿 輦

東都賦登玉輅乘時龍鳳蓋琴麗和璫玲瓏  
天官景從侵威盛容山灵護野屬御方神雨  
師泛灑風伯清塵千乘雷起万騎紛紜 東  
京賦天子乃撫玉輅時乘六龍發鯨魚銍華  
鍾大丙弭節風后陪乘攝提運衡下彫輦於  
東箱 井泉賦方玉輦之千乘肆玉軼而下  
馳注以玉子虛賦楚王乘彫玉之輿陽子  
騶乘纖阿為御 隋志與漢室制度以彫玉  
為之方徑六尺是蓋曰天子所乘六尺輿者皆天下表矣上表下表

通典夏氏制輦秦為人君之乘漢因之以彫  
王為之方徑六尺或使人輓或駕果下馬  
選注王符羽獵賦天子乘碧瑤之彫軫建曜  
天之華旗

漢龍輅 大輅

東京賦龍輅充庭 西都賦大輅鳴銮容危

徘徊 後宮乘輅輅 張衡思玄賦轆珣輿而

植葩擢應危以服輅 輅以王倫僕夫儼其正

策八乘攄以超驤左青瑯 青瑯以捷之蓋

右素威 虎白 以司鉦前長離使拂羽委水衡於

玄冥曳雲旗之離鳴王銓之訾訾

漢六輦

六輦注古謂人牽為輦秦始為人去其輪而危

後漢有乘輿六輦。通鑑又帝每朝即官上書疏止輦受其言輦過即舍問馮唐梁王入侍景帝同輦出同車遊獵上林中。漢武故事武帝輦過即舍。劉更生傳為輦郎。注如卿輦張敞傳諫昌邑曰小輦先遷。李奇曰挽輦小臣也。後祭祀志光武封禪御輦升山

隋志漢成帝遊後庭乘之徐爰釋問曰天子御輦侍中陪乘。齊志叔孫通傳云皇帝輦出房成帝輦過後宮此朝宴並用也輿服志云輦車具金銀丹青采縵雕畫蒲陶之文乘人以行晉人朝又有香衣輦。宋志輦車周礼玉后五路之卑者后從容宮中所乘非王車也漢志乘輿御之或使人輓或駕果

下馬成帝欲危班婕妤同輦

漢羽蓋車又見劔戟類葆車

後輿服志乘輿羽蓋華蚤注徐廣曰翠羽蓋

黃裏所謂黃屋車也東京賦云薛綜曰植

翠羽為蓋如雲尤矣東京賦植翠羽之高

蓋注薛綜曰今世謂之羽蓋車楚王英傳赤綬羽蓋華藻

如嗣王儀慮延傳光武到魯還經封丘

城門門下小不容羽蓋陰興傳每從出入

常操持小蓋障翳風雨前外戚傳上官桀

從武帝上甘泉天大風桀奉蓋雖風常屬車

周礼王后輦車有羽蓋注以羽作小蓋為翳

日道右王下則以蓋從注表尊疏非謂在

輪人注乘車無乘周礼五路建旌旗故無蓋

輓九蓋所以表尊亦所以禦雨一光武紀建武十三年益州傳送公孫述葆車輿輦於是法物始備注葆車謂車上建羽葆也一西京賦垂葆建羽旗一韓延壽傳在東郡試騎士治飾兵車植羽葆一成帝升車正立不內顧疾言親指一東京賦君人居中不內崔珣以制容奎以節塗行不夾王駕不乱步

漢駕旗車見正

漢重翟車

宋志制漢太皇太后皇太后皇后法駕乘重翟羽蓋金根車一隋志漢制后法駕乘重翟車一周札疏凡言翟者謂翟鳥之羽以為兩旁之蔽重翟者皆二重為之厭翟者謂相次

以厭其本翟車者不厭其本也翟車有幪無蓋安車重翟無幪而有容蓋也西都賦注應劭漢官儀曰皇后婕妤乘輦余皆以茵四人輿以行

### 漢充庭車

和紀安帝永初四年春正月元日會徹樂不陳充庭車注每大朝會必陳乘輿法物車輦於庭故曰充庭車以年飢故不陳！晉志達武十三年吳漢平蜀始送葆車輿輦充庭之飾漸以周備主東京賦孟春元日解后旁戾龍輅充庭雲旗拂霓！周禮春官典路大祭祀則出路大賓客亦如之注漢朝上計律陳屬車于庭！叔孫通傳長樂朝儀廷中陳車



騎一宋志舊有充庭之制臨軒大會陳乘輿  
車輦旌鼓于殿庭晉江左廢宋大明中復脩  
漢赤車

鮮卑傳安帝永初中詣闕朝賀賜赤車參駕  
前南越傳柱蠹注蘇林曰漢舊常以猷陵廟  
載以赤轂小車一魏志注西京大常行陵赤  
車千乘

漢鳶路 金輅

晉志元帝大興三年皇太子釋奠制曰今草  
創未有高車可乘安車太元中東宮達衆路  
有青赤旂致疑徐邈議太子既不備五路赤  
旂宜省漢制太子鳶路皆以安車為名安車  
子乘石山安車制如金路義不經見一張說  
晉東宮旧事太子西薄有黃麾一徐廣東宮

漢曰天子乘龍一建九旗青色四馬

宋志魏晉之制太子及諸王皆駕四泰始三年制太子安車乘象路四年九月甲戌議東宮車服降天子二等驂駕四馬乘象路降龍碧旂九葉一隋志漢太子乘金路及安車宋起居注泰始四年尚書令休仁議天子之元子士也故齒胄於辟雍欲使知教而後尊既命之後禮同上公天子賜之金輅但減旂章為等級自晉過江唯有天子禮秩崇異又乘山石安車義不經見事無所出賜金輅者此為古制降乘輿二等駕用四馬皇太子輅古者金飾宋齊以來並乘象輅皇太子駕輅駕三馬左右駢朱班輪倚獸較伏鹿轂九旂畫

降龍青蓋畫幡文斬黃金塗五末近代亦謂之鳶輅即象輅也梁東宮初建及太子釋奠元正朝會則乘之以畫輪為副若常乘畫輪以輅衣書車為副畫輪車止開四望綠油幢朱繩絡兩廂裏飾以錦黃金塗五末隋太子金輅亦質制同副車安車班輪赤質制略同乘輿駕四馬一唐儀衛志皇太子出金路駕四馬駕士二十三人僕寺僕馭次副路一後魏志皇太子皇子鳶輅立乘畫斬危首朱輪繡轂彩蓋朱裏危旂九旂畫雲揆皇子封則賜之皆駕駟又有輅車緇漆紫轡朱裏駕二馬為副乘

漢鳩車

博古圖二器狀鳴鳩形置兩輪間輪行則鳩從之前一器漢物也後一器六朝物也杜氏函求子謂兕年五歲有鳩車之樂七歲有竹馬之歡

漢車 車銘

食貨志漢初天子不能具驂駟將相乘牛車音志武帝後諸侯王助者後輿服志景帝

中元五年詔賈人不得乘馬車周官注漢

制定張車羸蘭車然不可攷衛綰傳以戲

車為郎注師古曰戲車若今之弄車之技京西

賈逵載車極修滿百馬周書聘足並馳烏孫傳馮夫人錦車

持節注張服處曰以錦衣車也漢有衣車厨

車軒車藩車輓絡輿橋唐志開成未定制

宰相三公師保尚書令僕射諸司長官及致仕官疾病許乘擔如漢魏載輿步輿之制  
李充小車銘 見小車一傳 敎車左銘 東京賦注云崔  
君子達左法天之陽正立授緩車中不雇塵不出軌鳶以節步彼言不疾彼指不躬遠覽于道以思厥中

### 魏司南車

魏紀明帝青氈三年注魏畧曰通引穀水過九危前為五井綺欄蟾蜍含受神氈吐出使博士馬均作司南車水轉百戲歲首建巨獸魚龙曼延弄馬到騎備如漢西京之制  
韓非子先王立司南以端朝夕

### 晉五路法車

金鷄車

晉輿服志金象革木等路是為五路並天子

之法車皆朱班漆輪畫為撰文三十輻法月

之數朱轅二十八象宿兩箱之後皆玳瑁為

鵠翅加以金銀彫飾世俗謂之金鵠車轅皆

曲向上取禮緯山車垂鈎之義其制重轂左

飛輪有玉路最尊建太常十月二旂九仞委地

畫日月升龙以祀天金路建大旂九旒以會

萬國之賓亦以賜上公及王子母弟象路建

大赤通赤無畫視朝亦所以賜諸侯革路建

太白以即戎兵事亦以賜四鎮諸侯木路建

大麾以田獵其麾色黑亦以賜藩國王輅駕

六黑馬余四路駕四馬齊志五路江左相承

並以黃金為文髮揮以翟尾象熊螭錫金受

方鉉繁纓赤罽旁葦金就十有二五路皆有  
錫鳶之飾和鈴之響鈎膺玉璫毛軔華轡朱  
憤法駕行則五路各有所主不俱出臨軒大  
會則陳乘輿車輦於殿庭武帝始備五路江  
左闕其三元造始造大輅戎輅各一因金根  
飾皆駕黑駟而已

齊志江左之始但有金戎省元庭之儀

通

典晉武受禪設五輅並為法駕旗旂服用悉  
取周制文物華藻因金根車更增其飾宋大  
明三年始備五路四年有司奏南郊舊儀乘  
金根宜改為玉輅初左丞荀萬秋造五路玉  
輅擬金根而赤達青旂施羽葆蓋

因漢之安車

以金根為金輅達大青旂象輦輅達赤旂木

輅達赤麾六年始制法駕五路俱出

日出法駕五輅

各有所主 齊永平初伏曼容議車旗先青加

不俱出 王輅為重蓋栢寶鳳皇綴金鑠珠璫金危街

五采旒建武中省之梁天監三年旗麾同用

赤而旒不異陳天嘉初錯綜漢晉旧飾造五

輅元魏太和中李韶制五輅太和十五年五

輅各依方色駕五色 宋志江左副車五乘

間皇元年改造五路 宋志江左副車五乘

孝建三年五月壬戌尚書令宏議案周官云

上公九禽貳車九乘侯伯七子男五然則帝

王十二乘詔可晉氏江左大駕未立故郊祀

用法駕宗廟以小駕 齊志晉摯虞治礼議

五輅制度



見漢金根車

晉雲罕 皮軒 鳶旗 建華 記里鼓車

司南

志杼車九乘駕四先驅之乘也雲罕車駕四  
皮軒車駕四以虎皮為軒鳶旗車駕四先輅  
所載旂羽旄編之列繫幢旁建華車駕四凡  
二乘行則分居左右輕車駕二古之歌車也  
建矛戟麾幢置弩箠於戟上司南車一名指  
南經馬均作駕四馬如樓三級四角金瓦銜羽葆  
刻木為仙人衣羽衣立車上記里鼓車駕四  
刑制如司南其中有木人執撻過一云失義  
熙五年劉裕屠廣固復獲焉使工人張網補  
緝十三年九月定閔中又獲司南記里諸車

制度始備齊加羊蓋宋志晉代又有指

南舟

晉畫輪車 四望車 象車 漢象車

志畫輪車駕牛以絲漆畫輪轂上起四夾杖

左右開四望綠油幢朱絲絡青交路形制如

輦下如犢車大駕次羊車後通典宋齊陽

遂四望皂輪小形車駕牛 東宮旧儀皇太子

人祀皆有畫輪四望車東宮旧事象車漢鹵

薄最在前武帝太康中平吳後南越献象詔

作大車駕之以載黃門鼓吹數十人使越人

騎之元正大會駕象入庭中朝大駕鹵簿先

象車鼓吹一部十三人中道通典大駕後魏

有象輦中朝大駕鹵簿四望車駕牛中道

輅車二馬曰輅傳漢貴輅駟魏晉重輅車尚書令輅車黑耳後戶鹵簿御史輅車行中道陶侃傳元帝假侃赤幢曲蓋輅車鼓吹盧欽傳給追鋒輅車一乘第二附馬二乘騎具刀器御府人馬鎧

### 晉追鋒車

志追鋒車去小平蓋加通幟如輅車駕二追鋒之名蓋取其迅速也施於戎陳之間是為傳乘魏志司馬望給追鋒車一乘杜預傳拜鎮南大將軍都督荊州給追鋒車第二附馬盧欽傳給追鋒輅車泰始九年鄭冲何曾進太宰朝會劔履乘輿上殿如漢相蕭何田千秋魏大傳鍾繇故事

晉金鉦車 金鉦車 黃鉦車 金鉦輦

志金鉦車金鉦車中朝大駕鹵簿並駕三中  
道戟鼓車駕牛二乘分左右八晉大駕鹵簿  
黃戟車駕一在左輦自過江亡制度太元中  
謝安率意造焉及破苻堅獲京師旧輦形制  
無差大小如一人服其精記義熙五年劉裕  
執慕容超獲金鉦輦豹尾旧式猶存 通典  
晉有金鉦車金鉦車駕三馬 唐黃鉦車正  
觀後備於大駕鹵簿天宝元年改為金鉦車

晉時路

樂記夏苗田王軍啓八門行同上帝居時路  
建大麾雲旗醫碧虛

晉輦車

宋禮志晉元帝大興三年太子釋奠詔曰未  
有高車可乘安車高車即立乘車也 傳鵬

故事三公安車駕三特進駕二卿一太康四  
年詔依漢故事給九卿朝車駕及安車各一

乘

去位致仕皆安車四馬

晉令王公之太子安車駕

三旂七旒其候太子五旒 晉先蠶儀注皇

后乘油畫雲母安車駕六驄馬油畫兩轅安

車駕五驄馬為副公主油畫安車駕三三夫

人青交路安車駕三皆以紫絳罽轡車駕三

為副九嬪次婦轡車駕二宮人輜車駕一王

妃公侯特進夫人封君皂交路安車駕三

晉大輦

文選藉田賦御王輦蔭華蓋注臧榮緒晉書

曰大駕鹵簿有大輦華蓋中道玉輦

隋志輦制象輅車而不施輪通轡朱絡飾以

金玉

梁鼓吹車

隋白鷺車

梁大輦

志鼓吹車上施層樓四角金毛衙疏蘇羽葆  
凡鼓吹陸則樓車水則樓船在殿庑則畫荀  
展為樓樓上有翔鷺栖鳥或為鵠形通典  
隋制白鷺車上施層樓有翔鷺唐因之駕四  
馬大駕出在記里鼓車後本朝志一名鼓  
吹車赤質上有朱柱貫五輪綉飛鷺柱杪刻  
木為鷺御鵠毛簫紅綬帶一轅駕四馬六  
典注古之輦輿大率以六尺為度齊武帝造  
大小二輦下綱轅髹金花銀獸梁大輦中方

八尺左右開四望金鷄栖乾一梁大同五年  
正月丁巳賀琛奏二郊藉田御輦不復乘輅  
從之郊祀宗廟仍乘玉輦一云佩輦不復乘  
名大同輦辛未祀南郊